

Powšitkowne WOZJEWJENJA

njedźelu, 23. měrca 2014

Posledni lětuši póstny seminar

Posledni wječor w lětušim rjedže póstnych seminarow pod hesłom „K swobodze wuswobodzeni“? w Smochčanskim Domje biskopa Bena budže pónđzelu, 24. měrca, k temje „Pólska – katolski kraj?“. Přednoškaj změjetaj farar Martin Niemec a dr. Leopold Rzodkiewicz. Započatk je w 19.30 hodź. Mjez sobuzarjadowarjami je Towarstwo Cyrila a Metoda z.t.

Zhromadny dzeń za 5. a 6. lětnik

„Hólcy su kołwrotni – holcy hlupikojte“ je hesło zhromadneho dnja za šulerki a šulerjow 5. a 6. lětnikow, na kotryž přeprašuje dekanatne dušepastyrstwo sobotu, 29. měrca, wot 9.00 do 14.00 hodź. do Don Boskoweho domu we Worklecach. Zajimcy njech so prašu hač do wutory, 25. měrca, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždeho wobdźělnika přinošk, kotryž wučinja tři eura.

Nócne modlenje we Worklecach

Młodostni wšitkich serbskich wosadow su na lětuše nócne modlenje sobotu, 29. měrca, do Worklec přeprašeni. Tema je „Smjerc a zrowastanjenje“. Zahajimy nócne modlenje w 20.00 hodź. z wosebje wuhotowanym nyšporom, wopołnocy zakónčimy z njedźelnej Božej mšu. Mjez jednotkami je stajnje krótka přestawka.

Wotběh

| | | |
|-------------|------------|--|
| 20.00 hodź. | nyšpor | „Wołaj so k njemu“ |
| 21.00 hodź. | meditacija | „Chrystus wčera, džensa, na wěki“ |
| | | přiležnosć k swjatej spowědži pola fararja Gabriša Nawki |
| 22.00 hodź. | krótkofilm | „Smjerc je potajnstwo“ |
| 23.00 hodź. | różowc | wustajenje Najswjećišeho |
| | | přiležnosć k swjatej spowědži pola fararja Bena Jakubaša |
| 24.00 hodź. | Boža mša | „Twoje zrowastanjenje sławimy“ |

„Woda žiwjenja“ w Konjecach

Džěcaca dźiwadłowa skupina Kulowskeho Bratrowstwa předstaji njedźelu, 30. měrca, w 16 hodź. swoju hru „Woda žiwjenja“ na wjesnej žurli w Konjecach. Hižo wot 15 hodź. poskići so swačina w Burskej stwě. Tež po předstajenju budže tam składnosć k bjesadze.

Alfons Frencl přednošuje w Kulowje

Kulowske towarstwo Bratrowstwo přeprašuje wšitkich zajimcow na přednošk Alfonsa Frencla pjatk, 28. měrca, do Bosčanoweje žurle w Kulowje. Přednošk pod temu „Naše wjesne mjena a jich wuznam w swěće“ započnje so w 19 hodź.

Putnikowanje swójbow

Putnikowanje swójbow ze serbskich wosadow pod hesłom „Što wěra zamóže“ do Róžanta budže pjatu póstnu njedźelu, 6. apryla. Božu mšu w 9 hodź. změje farar Měrćin Deleńk w hnadownej cyrkwi.

Nalětni koncert 1. serbskeje kulturneje brigady z.t.

Na swój nalětni koncert přeprašuju chór z rejwanskej skupinu 1. serbskeje kulturneje brigady z.t. kaž tež hudźbnicy Serbskeho ludoweho ansambla njeźzeli, 30. nalětnika, w 17 hodź. do Chróšćanskeje „Jednoty“. Zaklinči moderni oratorij „Wětrnik a časy“, kotryž měješe 2006 w Smochćicach swoju premjeru. Wumělski nawod změje Friedemann Böhme. Dalši koncert budže sobotu, 5. jutrownika, w 19.00 hodź. na žurli Budyskeje Kehelernje na Thomasa Mannowej 7.

Putniska jězba do Čěskeje

W marijanskim měsacu meji budže putniska jězba na znate putniske městna w Čěskej. Wopytamy Svatý Kopeček (cyrkej Wopytanja swjateje Marije) a Svatý Hostyn (Marije donjebjeswzaća). Přenocujemy w hotelu Flora w Olomoucu. Mjez druhim zeznajemy luboznu krajinu Morawy, krasne barokne cyrkwy, biskopske město Olomouc z baroknym hrodom a Kroměříž z biskopskej lětnjej rezidencu a rjanym parkom (UNESCO). Jězba traje wot wutory, 6. meje, do pjatka, 9. meje. Přizjewić móžeće so pola Šmitec w Radworju, telefonowe čisło (03 59 35) 28 60, abo pola mje, telefonowe čisło (03 59 35) 2 04 25.

Terezija Kubašec

Putniskej jězbje do Słowjenskeje a Chorwatskeje kaž tež do Swjateho kraja

Lětuša přenja putniska jězba powjedže nas wot wutory, 3. junija, hač do wutory, 10. junija, do Słowjenskeje a Chorwatskeje. We wobłuku našeje kołojězby z busom chcemy putniske městno Brezje w Słowjenskeje wopytać. Dalša putniska jězba budže wot póndzele, 15. septembra, hač do póndzele, 22. septembra. Planowane je, zo podamy so z lětađlom do Swjateho kraja. Nadrobne informacije k woběmaj jězbomaj dóstanu zajimcy pod telefonowym čislom (01 63) 7 33 82 05.

Maćij Hadank